

豫章叢書

第一五四冊

碧梧玩芳集目錄

卷一

奏狀十一首 表九首

卷二

詔三十九首

卷三

赦文二首 德音一首 制十六首

卷四

制二十七首

卷五

制二十四首

卷六

制二十二首

卷七

制二十六首

卷八

制二十五首

卷九

制八首 勅書十五首 批答六首

卷十

申狀四首 書一首 啟十一首

卷十一

啟二十四首

卷十二

序八首

卷十三

題跋十五首

卷十四

題跋十三首

卷十五

題跋十四首

卷十六

題跋三首 說四首 贊十八首 銘二首

卷十七

記八首

卷十八

記三首 墓誌銘二首

卷十九

墓誌銘六首

卷二十

雜著八首

卷二十一

讀史旬編

卷二十二

五言古詩十首 七言古詩四首 五言律詩二十

三首 五言長律一首

卷二十三

七言律詩六十七首

卷二十四

五言絕句十八首 七言絕句六十四首 詩餘四

首

碧梧玩芳集卷一

宋 馬廷鸞 撰

奏狀

兼右諭德辭免奏狀

自天有命，踏地無容。臣竊以聖主詔謀，莫重元良之
本。儒臣勸講，尤嚴贊論之僚。孰謂謏材，遽塵華選。伏
念臣蠢愚下士，迂狃諸生，久汚班行，已寸長之蔑取。
驟登儲案，於三善以何裨？忽蒙補展之簡，知躐預書
宮之諷導。載稽唐制，見謂優秩清班。允若聖時，率用
名流。勝上臣既無素望，又非舊人，特被選掄，殊駭觀

聽懼深維谷誼合循牆伏望聖慈俯鑒愚悃收回命
渥免陪春誦之聯別選才良上輔日新之學庶安愚
分仰答隆恩所有恩命臣未敢祇受

除國子監司業辭免奏狀

自天有命謁地無容伏念臣才不如人學未聞道僥
逾里選靡由庠序以進身綴講時文莫識聖賢之用
意有若儒官之選允由士類所推况朝廷天寬地大
之時正學校魚躍鳶飛之日欲淑佩襟之儀表是資
領袖之端良有如樂正之官是曰司成之副陽城可
謂有道乃見服於學徒高闕豈非儒臣或貽譏於公

議仰尋先哲內懼非才倘猶昧於循牆將有叱而避
席輒殫微悃仰冒皇明恭望聖慈俯照忱懇收回誤
渥改畀時流大學得名儒使蓋其行師氏教國子永
觀厥成所有恩命臣未敢祇受

除兼翰林權直辭免奏狀

恩擢超踰愚衷震惕切以明時掌制聿嚴內命之司
聖主掄材尤選外庭之選若稽史牒謹簡詞臣官清
操直則備自有唐資淺攝承則昉由我宋上規開寶
文郁乎哉近接溫熙道粲然矣聿求宗匠俾典禁林
然而望實未孚神祖尙難於蘇軾官名初建孝皇始

命於端詩伏念臣猥以諸生起於下國議窮短陋無
能汲古學之淵源思澁寒竢不足協斯文之律呂以
場屋屏儒之靡列縉紳華選之先從太子游已懼用
功於論導見王者志若爲有補於討論矧耆儒宿老
甫爾請歸乃新學小生居然代匱縱承人乏豈及臣
愚恭望聖慈俯憐卑悃收回誤渥改畀名流庶幾詞
章足以恢人文詔令足以宣皇澤坦然制誥復還二
典之醇大哉王言俾達萬民之悅庶安愚分用竭忱
辭

除權直學士院辭免奏狀

璧水充員無補明時之造士蓬山列事况遭聖代之
右文仍叨疊組之榮重誤疎綸之寵非天曷戴無地
自容伏念臣猥以孤生起於下國繩樞甕牖曾無藻
色之工金馬石渠早愧芸香之選頃從農畝召復舊
班學淺資輕屢丐一麾於江海年除歲擢浸成三入
於瀛洲更以常才猥參少令豈直今世人文不輕得
此政使先朝宿老尙或難之維昔淳熙有臣必大嘗
貳職于中秘兼典制於內庭彼其獨擅儒宗矧又奮
由訓學然觀避疏猶云才技之無堪暨觀訓詞凜然
名實之有戒是知華選難畀庸流臣詞華敢企於前

儒愚慙不通於世事倘冒殊恩而亟拜滋誤睿主之
選掄俯庸披露於血忱仰乞收回於汗渙庶安舊次
免累聖知所有上件恩命臣未敢祗受

元日除起居舍人辭免奏狀

渙揚宸渥震惕愚衷切以杜下清官朝中盛選致君
堯舜執簡操筆皆聖人之徒事爲春秋廣記備言斯
國史之體諒非長德曷畀庸流臣才望至卑資歷尤
淺復來七日中秘首塵泰內三陽右螭尾進歲月無
幾旦暮輒遷率由典常最稱遴選諸所記注尙多攝
承若徑冒於真除重貽譏於躡進而况謀猷內告缺

然慙直方之姿書法後觀無以傳深微之意皆於聖
代爲有嫌夫豈愚分之所安與其拾級以升徒有疾
顛之懼孰若循牆而避庶幾初服之修恭望睿慈不
嫌改命收回誤寵別畀時才式嚴君舉之書上贊帝
王之治

除中書舍人辭免奏狀

九重超擢孤士震驚伏念臣素拙文辭尤疎學術終
年龍禁曾無起草之工一日蔽垣驟玷爲眞之寵此
何官也臣敢兼之自周典之掌贊書是資華國至唐
人之有還詔亦謂回天詞章蹇淺則主德無以宣明

風力銷沈則公論難乎滿懷至如眞授尤號優遷臣
修不試文而除臣執自記言而拜彼皆何等材分孰
能與之躋攀厥今聖主有從諫轉圜之明諸臣多會
文切理之彥取之下品恐不中書倘少昧於控辭是
自貽於顛踣仰祈睿察特反誤恩不嫌銷印之難擇
人改畀庶免斷臆之醜爲時起羞

除中書舍人再辭免奏狀

控辭誤渥首虞掌制之非工尙闕俞音更懼濫官之
速戾重殫庸陋頻瀆聖明伏念臣山林之癯本無薄
技歲月之近徧歷華途晉貳蓬山俄接螭坳之步隨

羣鴛鴦躡追豹尾之班在於典常已越夷等愚臣玩
日曾莫效于涓埃聖主如天纔一吐其狂瞽若更超
擢允極僥踰士有常心然後禮義廉恥之與立官既
易得正緣公卿侍從之可圖伏望皇帝陛下察其愚
衷賜之聖斷收回恩命改畀時名使無處衆人之所
爭而多取天下之公器庶安愚分永戴皇明

隨龍轉四官辭免奏狀

鶴禁執經漫塵華附龍飛賜秩特愧超踰職等既深
循牆敢後伏念臣素持樸學恭際盛時三年獲侍於
承華一得何裨於新益性能天授本由聖學之高明

已就月將安取愚臣之輔翼然且每盛歲輒被宸綸茲繼照於離明復謨揚於渙汗不遺故舊丕昭伐木之仁若假器名徒重繁縷之錫恭望皇帝陛下俯憐卑悃亟寢誤恩傳不勤師不煩昔已大成於后德官不諂士不濫今宜益肅於朝綱

除權禮部尙書辭免奏狀

自天有命無地措躬切以文昌從列之最高儀曹邦典之尤重詎謂孤蹤之宜去乃逢顯擢以攝承伏念臣被遇先皇僥踰近侍徒以文辭之薄技適遭明主之矜知武帝賜淮南王祗愧平時之視草成王命召